

13. maj

**Narsami illumik nutaaliorfimmik 300 m<sup>2</sup>-isut angissusilimmik pilersarusiortoqarlunilu sanasoqarnissaanut Naalakkersuisut FLL17-imi aningaasaliinissamut peqquneqarnissaannut Inatsisartut aalajangiiffisassaattut siunnersuut. Illumi nutaaliorfiusumi nutaaliortiternissap siuarsarneqarnera inuussutissarsiutitigullu siursaaneq sulissutigineqassapput, taakkunani ilaallutik takornariaqarnermi ingerlassat kiisalu sumiiffinni pissarititat aallaavigalugit tunisassiassanik inerisaaneq, tassa kujataani pisuussutit uumassusillit uumaatsullu pigineqartut aallaavigalugit tunisassiornikkut imminut pilersorneq siuarsarneqarsinnaaqqullugu. Nutaaliorfiup ingerlanneqarnera Namminersorlutik Oqartussanit isumagineqassaaq.**

(Inatsisartunut ilaasortaq Aqqaluaq B. Egede, Inuit Ataqtigiit)

Siullermik Siumumiit oqaluuserisassatut siunnersuuteqartumut Aqqaluaq B.Egede (IA) qujanaq.

Siumumiit nunatsinni inuussutissarsiornikkut aallarnisaasut atugaat naleqqussartuarnissaat pisariaqartoq isumaqarpugut, taamaasilluni inuussutissarsiornikkut ingerlatsinerup pitsanngorsartuarniarlugu inatsisartut arlarinnik pisariillisaanernik aalajangersaapput.

Siumumiit nuannaarutigisatsinni qujanartumik nunatsinni nutaaliornert aallartisaanerillu namminerisamik piomassuseqarfigineqarlutik suliniutigineqartartut saqqummerartuartartut arajutsisimannngilarput, taakkuuppullu malitassaallutik sineriassutsinnut pitsaasumik takutitsisartut, taamaatumik piffissaq atorlugu nammineq suliniuteqarlutik misileraallutillu nutaaliortut qutsaviginissat pissusissamisoorpoq – qujanaq.

Nunatsinni nutaaliorfimmi eqqarsarneq nutaajunngilaq, taamaattoq pingaaruteqarpoq nunatsinni siammasissumi inuuffeqarnerput patsisigalugu sapinngisamik qanimut innuttaasut tikillugit ineriartortitsinissaq, taamaatumik kommuunit peqatigalugit suliniutit annertusarlugit nukittorsarlugillu ingerlatsineq aqutissat pingaaruteqartut ilagaat, taamaaliornikkut naligiimmik atugassaqartitsineq sapinngisamik ingerlanneqarsinnaammat.

Nutaaliortut taallugit assersuutigineqartut takutitsiviupput eqqarsaatigineqartut tamarmik arlaattigit ingerlanneqareersuusut, soorunami assersuutit saqqummiunneqarmata mianersortumik tigu-neqartussaapput, assersuutigalugu Narsami Inuilimi (Inuussutissanut ilinniarfik) nunatta pissarititanik ajukkunnangilluinnartunik nerisassiornert ingerlanneqartarput – taava pissusissamisuusaaq taanna aqutigalugu annertusaaniarnermik ingerlataqassalluta taamaasilluni nunatsinnut siammarterineq tamanut pisinnaalersillugu.

Uummasuuteqarneq tunisassiornertu assersuutigineqartut maanna taakkorpiat atugaat pillugit annerusumik iliuseqarnissaq pisariaqartoq takussutissaqarpoq, silaannaap panernerujussuata kingunerisaanik naatitsiniarnerit tulluarsarfigalugit maanna periarfissat nutaat atuutinneqalerpoq, taakkuli suli nukittorsartariaqarpagut, taamaappoq aamma uummasunik toqoraavik, maanna avataanniit savat neqaanik tikisiortorluni agguinerit saniatigooralugit ingerlappaat soorluttaaqqaller-suusiornernik pujoorinernillu assigiingitsunik ingerlataqarnikuullutik, sulilu annerusumik iliuseqarfigineqarsinnaalluni – taava inuussutissarsiutaasut, uummasunillu toqoraavik nukittorsarniarut-sigu sanngiiffeqarpata ajoqqutaasut piaarlugit tassuuna iliuseqarniarta.

Takornariaqarneq pillugu qujanartumik kommuunikkuuttaarlutik aammali nunatsinniit siammasisumik periarfissaritinneqartut arlaqarput – annertusaaniartut periarfissanik arlaariinnik saaffis-saqarput, taava aqqitassartaqarpata tassuuna nukittorsaasariaqarpugut.

Illoqarfik Narsaq ajornartorsiuteqarpoq soorluttaaq illoqarfiit arlaqaqisut taamatuttaaq inissisimasut, innuttaasut ikiliartorput, suliffissaaleqineq annikillisartariaqarpoq, pisortallu isumalluutigineqar-nerat annertuvoq taamaammattamatuma malitsigisaanni ajornartorsiutit suliniutigineqarfigineqar-tariaqartut ataqatigiisakkamik ingerlanneqarnissaat pingaaruteqarpoq.

Narsamiipput illut amerlasuut atorneqanngitsut, iluarsartuunneqartussat imaluunniit allanik pat-seqartumik qimanneqarnikuusut, ass. kommuunimi suliffeqarfiit eqiterinnerisa kingunerisaanik atorneeruttut, taamaattumik periarfissaasinnaasut misissoqqaarnagit siunnersuuteqartup 6 mio. atorlugit illunik nutaanik amerlisaaniarnera isumaqatiginanngilaq, taamaattorli illut pioreersut ilanngullugit isumaliutigineqarnissaat pisariaqarpoq.

Suliniutit suliffeqarfiillu amerlanerpaartaat ajoraluartumik mingutitsinermik annikinnerusumik annertunerusumiluunniit nassataqartarput taamaattorli sapinngisamik minguitsuusunik ingerlat-sinissaq inuussutissarsiortut orniartaraat maluginiagassaasarpog, taamaattumik aningaasat pine-qartut allatigut nukittorsaanikkut atorluarsinnaasut isumaqarfigaarput.

Maluginiarparput Nuna tamakkerlugu sumiiffinniit tamaginniit nutaaliolarfissamut siunnersortik-kiartorlutik tikittartussat angalasarnissaat, ineqarnissaat, nerisaqarnissaat, ullormusiaqarnissaallu il.il. aningaasartuutissanut missingiunneqartuni ilanngunneqarsimannngitsut, taamaammattamanna ilanngullugu isummorsorfigineqartariaqarpoq.

Nutaaliorneq Siumumiit pingaartitaraarput, ukioq mannaluu aallarnisaasut arlalitsigut nukittorsas-sasut inatsisartuni aalajangersaavigaarput, taakku nutaammatt aallarnissaasunut nukittunerusumik sulinissamik kaammattuinerlalerlugit ingerlatsiviupput.

Taamak oqaaseqarluta siunnersuuteqartoq qujaffigalugu Siumumiit aalajangiiffigisassatut siunner-suut Inuussutissarsiornermut Ataatsimiititaliamut misissugassanngorlugu ingerlatipparput.

Suka K. Frederiksen

Siumut